

Broj: 01-45-1-128/21

Datum: 18.01.2021.godine

## IZVJEŠTAJ

o radu Općinskog vijeća Tešanj za period 1.1. – 31.12.2020. godine

### UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
  - a) broj donesenih i realizovanih odluka,
  - b) prisustvo vijećnika obukama za funkcionalno usavršavanje,
  - c) broj odluka koje su inicirali građani,
  - d) broj održanih javnih rasprava,
  - e) broj građana koji su prisustvovali javnim raspravama,
  - f) broj sprovedenih analiza ekonomske opravdanosti,
  - g) broj građana koji su prisustvovali sjednicama Vijeća
  - h) prisustvo vijećnika sjednicama Vijeća.
  - i) broj građanskih prijedloga, primjedbi i inicijativa.

Izvještaj o radu Općinskog vijeća Tešanj za period 1.1. – 31.12.2020. godine predviđen je u prvom kvartalu prijedloga Programa rada za 2021. godinu.


### IZVJEŠTAJNI DIO

#### a. Općinsko vijeće je donijelo 28 odluka, 12 rješenja i 61 zaključak

Sagleda li se **struktura tema i pitanja o kojima se vodila rasprava** i donosili određeni zaključci u


izvještajnom periodu najbrojnije su bili

- prijedlozi odluka (28),
- izvještaji (17),
- prijedlozi rješenja (12),
- informacije (6),



**U izvještajnom periodu Općinsko vijeće je nakon provedenih rasprava usvojilo ukupno 101 akt i to**

- 28 odluka,
- 12 rješenja i
- 61 zaključak.




**Općinski vijećnici su u svom radu podnijeli**

**ukupno 52 akta i to:**

- 28 vijećnička pitanja
- 23 vijećničke inicijative
- 1 amandman

**na koje je odgovoreno, uglavnom do naredne sjednice Vijeća**



- a. Informacija o realizaciji akata koje je Općinsko vijeće usvojilo u periodu od predhodne sjednice, sedam dana prije održavanja sjednice dostavlja se vijećnicima u materijalima za sjednicu, a objavljuje na web stranici Općine i oglasnoj tabli. Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da su akte donesene od strane Općinskog vijeća, Općinski načelnik i administracija uglavnom i realizirali u predviđenom roku, i da je u toku realizacija preostalih akata.
- b. U izvještajnom periodu vijećnici nisu imali edukacije za funkcionalno usavršavanje zbog trenutnog stanja izazvanog pandemijom Covid-19.
- c. Općinsko vijeće je donijelo 7 akata koja su inicirali građani.
- d. Održano je 12 javnih rasprava.
- e. Javnim raspravama je prisustvovao 91 građanin.

- f. Sjednicama Vijeća pored redovnih gostiju prisustvovao 18 građana.
- g. Nije bilo odluka koje su zahtjevale posebnu ekonomsku opravdanost.
- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.

Na ukupno 9 održanih sjednica Vijeća u periodu od 1.1.do 31.12. 2020. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

	Prezime i ime vijećnika	Odsustvo sa sjednice	Kašnjenje na sjednicu	Ranije napuštanje
1.	Hodžić Enes	1	-	-
2.	Pilav Elvir	1	-	-
3.	Hrnjić Muris	1	-	2
4.	Jupić Mirano	1	-	2
5.	Turkeš Kenan	1	-	-
6.	Piro Amir	2	-	2
7.	Pašić Danijel	1	-	-
8.	Klepić Šemsudin	-	1	-
9.	Kotorić Esmir	-	2	-
10.	Solo Fahir	-	2	-
11.	Alić Munevera	-	1	1
12.	Alić Hajrudin	-	1	-

- i. U izvještajnom periodu Vijeću je dostavljeno 6 građanskih prijedloga, primjedbi i inicijativa. Sastanci Građanskog sata sa vijećnicima nisu održavani zbog obaveze pridržavanja mjera za suzbijanje širenja zarazne bolesti prouzrokovane novim korona virusom (COVID-19).

## **SJEDNICE VIJEĆA**

Općinsko vijeće Tešanj je u periodu 1.1. – 31.12.2020. godine radilo u redovnim javnim zasjedanjima. Održano je ukupno 9 sjednica od kojih je jedna bila hitna, jedna tematska, jedna je zbog prekida održana u dva dijela (dva termina) i na kraju godine jedna Konstituirajuća. Sjednice Vijeća u izvještajnom periodu trajale su u prosjeku oko 4 sata.

Aktivnosti Općinskog vijeća zasnivale su se na zadacima utvrđenim Programom rada Vijeća za 2020. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine i putem aplikacije eCitizen, razvijenoj u okviru MEG projekta, koju podržava i finansira Vlada Švicarske, a provodi UNDP, na period od dvije godine.

Aplikacijom eCitizen je omogućeno građanima da na jednostavan način:

- prijave problem (dostave pritužbu) i dobiju odgovor uz SMS obavijest u roku od 48 sati,
- postave pitanja direktno vijećnicima i načelniku i dobiju odgovor,
- imaju informacije o terminu, dnevnom redu kao i uvid u materijale koji se razmatraju na sjednicama Općinskog vijeća, te mogućnost dostave komentara.

Ovim činom sav materijal činimo dostupnim svim građanima sa ciljem da do početka sjednice preko vijećnika ali i lično mogu reagovati svojim primjedbama na svaki od predloženih dokumenata. Pored bolje komunikacije sa građanima primjenom ove aplikacije unapređuje se rad organa uprave i Općinskog vijeća u pogledu izvještaja, evidencije, i statističkih podataka, pripreme sjednica Kolegija, radnih tijela i Vijeća.

S obzirom da je u izvještajnom periodu Vijeće ministara Bosne i Hercegovine na 05. vanrednoj sjednici, održanoj 17.03.2020. godine donijelo Odluku o proglašenju nastanka stanja prirodne ili druge nesreće na teritoriji Bosne i Hercegovine) zbog opasnosti od moguće pojave epidemije zarazne bolesti prouzrokovane novim korona virusom (COVID-19), Općinsko vijeće Tešanj je u skladu sa članom 43. Stav 4. Poslovnika, dana 17.04.2020.godine održalo 37. HITNA sjednica Općinskog vijeće a razlozi za sazivanje sjednice su bili:

- novonastale okolnosti od proglašenja stanja prirodne nesreće, donošenje odluka kojim bi se ublažile posljedice pandemije i obezbijedila sredstva za borbu protiv širenja virusa, pomoć poslodavcima, zdravstvenom sektoru i stanovništvu i radi usklađivanja budžetskih prihoda i rashoda i izvršenja usklađivanje planiranih aktivnosti sa mjerama na nivou FBiH i ZE-DO kantona (podrška privredi, poljoprivredi, umanjenje prihoda i određenih rashoda).

Sjednicama Vijeća, zbog opasnosti širenja virusa i poštivanja donesenih mjera Kriznog štaba, nisu u svojstvu gosta pozivani poslanici u državnom parlamentu i kantonalnoj skupštini s područja općine, SCE, predstavnici političkih organizacija koje participiraju u Općinskom vijeću, udruženja i mjesne zajednice. Predstavnici javnih preduzeća i ustanova su prisustvovali tematskoj sjednici jer je razmatrana određena problematika vezana za navedene institucije.

Na dnevnom redu sjednica Vijeća bilo je 77 tačaka, od čega su 31 ili 40% bile predviđene Programom rada Vijeća za 2020. godinu. Ostalih tačaka 46 ili 60 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici.

Uzimajući u obzir činjenice da su u izvještajnom periodu bili odgođeni Lokalni izbori, (održani 15.11.2020.godine), da je CIK BIH objavio rezultate svojom odlukom 15.12.2020.godine, i da je Konstituirajuća sjednica održana 29.12.2020.godine, mora se naglasiti da nije bilo mogućnosti da se ostvari realizacija svih aktivnosti planiranih Programom rada Općinskog vijeća za 2020.godinu.

Iz navedenih razloga u izvještajnom periodu Vijeće nije razmatralo ni usvojilo:

- Izvještaj o izvršenju Budžeta općine Tešanj za period januar-septembar 2020.godine,
- Prijedlog Budžeta Općine Tešanj za 2021. godinu,
- Prijedlog Odluke o izvršavanju Budžeta za 2021. godinu,
- Prijedlog Odluke o finansijskoj podršci školovanju u akademskoj 2020/2021. godini,
- Prijedlog Odluke Gender akcioni plan,
- Prijedlog Programa rada Općinskog vijeća za 2021.godinu,
- Informacija o održavanju cestovne infrastrukture na prostoru općine Tešanj.

Navedeni prijedlozi su preneseni u prijedlog Programa rada Općinskog vijeća za 2021.godinu i biće razmatrani u I kvartalu 2021.godine.

**Konstituirajuća sjednica Općinskog vijeća (mandat 2020-2024)** održana je dana 29.12.2020.godine.

Mandate vijećnika u Općinskom vijeću Tešanj (2020.-2024.) na osnovu izbornih rezultata, Centralna izborna komisija, u skladu sa Statutom Općine Tešanj (član 13.), dodijelila je za 25 vijećnika kako slijedi :

- 10 vijećnika iz OO SDA Tešanj, (Kurtić Amir, Ćeman Elma, Pilav Ragib, Ramić Omer, Rahić Armin, Kurdić Adem, Pezer Fahrudin, Kotorić Esmir, Hadžić Enes i Rošić Jakub),
- 6 vijećnika iz OO SDP Tešanj, (Hodžić Enes, Smailbegović Besim, Deljković Nermin, Pašić Danijel, Pilav Elvir i Kršić Boban),
- 2 vijećnika iz OO SBiH Tešanj, (Handžić Hasan i Deljković Ernad),
- 2 vijećnika iz OO A SDA Tešanj (Solo Fahir i Šaranović Amir),
- 2 vijećnika iz BPS SH Tešanj, (Hasanbašić Senad i Jašić Haris),
- 1 vijećnik iz OO SBB Tešanj, (Piro Amir),
- 1 vijećnik iz OO LDS, Nezavisni blok Tešanj, (Begović Rifet),
- 1 vijećnik iz OO Platforma za progres Tešanj, (Galijašević Emir).

Svi vijećnici su preuzeli uvjerenja o dodjeli mandata i potpisali izjave o prihvatanju mandata. Konstituirajuća sjednica održana 29.12.2020.godine na kojoj je za predsjedavajućeg Vijeća izabran vijećnik Kurtić Amir.

Na Konstituirajućoj sjednici usvojena je Odluka o privremenom finansiranju Budžeta općine Tešanj za 2021.godinu, a razlozi za donošenje Odluke su bili sljedeći: Članom 35. Zakona o budžetima u Federaciji BiH ("Službene novine FBiH", ("Službene novine FBiH", broj: 102/13, 9/14, 13/14, 8/15, 91/15, 102/15 i 104/16, 5/18 i 11/19) navedeno je: "Ukoliko Parlament ne donese budžet prije početka fiskalne godine privremeno se, na osnovu odluke o privremenom finansiranju, nastavlja finansiranje poslova, funkcija i programa korisnika budžeta."

Konstituirajuća sjednica Općinsko vijeće iz poznatih razloga, odgađanja održavanja općinskih izbora i pomjeranja implementacije izbornih rezultata, je održana 29.12.2020. godine.

Shodno tome nije postojala tehnička mogućnost da se prema Statutu Općine Tešanj izvrši usvajanje budžeta do 31.12.2020. godine (održavanje Kolegija, dostava materijala 7 dana prije sjednice uz poštivanje rokova za amandmansko djelovanje). Samim tim, zbog tehničkih razloga nije bilo moguće ispoštovati pojedine odredbe Statuta. Imajući u vidu važnost i značaj budžetskog dokumenta za lokalnu zajednicu, uzimajući u obzir da nije bilo dovoljno vremena da se novi saziv Vijeća upozna sa budžetskim procesom, dokumentom Nacrta, provedenom javnom raspravom i drugim okolnostima.

**Osnovne tematske odluke predviđene Programom rada koje je Vijeće u izvještajnom periodu donijelo:**

- Odluka o usvajanju Plana kapitalnih investicija za budžetsku 2020.godinu (sa planom kandidovanih investicija za 2021 i 2022) 1+2 I Plan
- Izmjena i dopuna Budžeta općine Tešanj za 2020.godinu
- Odluka o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2020. godini
- Odluka o usvajanju Plana upravljanja otpadom općine Tešanj 2020 – 2024
- Prijedlog Odluke o gubitku statusa javnog dobra (put u Mrkotiću)
- Prijedlog Odluke o prodaji /kupovini/ zamjeni /davanju u zakup nekretnina (Odluka o zamjeni parcele u K.O. Mrkotić sa parcelom u K.O. Jevadžije,
- Odluka o prodaji parcele u k.o. Mrkotić, radi oblikovanja,
- Odluka o prodaji parcele u k.o Tešanj I, radi oblikovanja,
- Odluka o prodaji parcele kod obdaništa u Tešnju).

## Osnovne tematske odluke koje nisu bile predviđene Programom rada za 2020.godinu:

- Odluka o izmjeni i dopuni Odluke o uslovima i kriterijima za izbor i imenovanje radnih tijela OV
- Odluka o izmjeni i dopuni Odluke o općinskim taksama i naknadama
- Principi i smjernice kod prometovanja nekretnina u vlasništvu općine Tešanj
- Odluka o izmjeni općinskih propisa s ciljem obezbjeđenja pomoći radi ublažavanja posljedica pandemije
- Odluka o davanju saglasnosti na odabir najpovoljnije ponude
- Odluka o davanju saglasnosti za izgradnju novog školskog objekta JU Osnovne škole "9. septembar" Medakovo
- Odluka o funkcionisanju i načinu novih priključenja na vodovod Medakovo-Trepče
- Odluka o izmjeni i dopuni Odluke o radnom vremenu u određenim djelatnostima na području općine Tešanj
- Odluka o izmjenama i dopunama Odluke o usvajanju i provođenju projekta Revizije plana revitalizacije i regeneracije Stare čaršije (iz 1987.godine) integralnog dijela Starog grada Tešanj
- Odluka o potvrđivanju liste najboljih kandidata za Nadzorni odbor JP RAD Tešanj
- Odluka o utvrđivanju javnog interesa za izgradnju novog rezervoara i pumpne stanice vodovoda Lepenica
- Odluka o određivanju matičnih područja i njihovih sjedišta na području općine Tešanj
- Odluka o dopuni Odluke o osnivanju JU "Sportsko-rekreacioni centar" Tešanj
- Odluka o davanju saglasnosti za dodjelu koncesije,
- Odluka o zonama sanitarne zaštite izvorišta vode za piće "Planjska rijeka", Gumurnica" i Kapetanovac", općina Tešanj,
- Odluka o davanju na korištenje i upravljanje nekretnine Javnoj ustanovi "Centar za socijalni rad" Tešanj,
- Odluka o izmjenama i dopunama Odluke o izvršavanju Budžeta općine Tešanj za 2020.godinu,
- Izmjena i dopuna Budžeta općine Tešanj za 2020. godinu,
- Odluka kojom se odobrava, radi izgradnje trafo stanice, prodaja neposrednom pogodbom nekretnine k.p. broj: 5/40 k.o. Novo Selo,
- Odluka o privremenom finansiranju Budžeta općine Tešanj za 2021.godinu.

## JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljujivani u "Službenom glasniku Općine Tešanj", koji su građanima dostupni i na web stranici Općine Tešanj.

## RADNA TIJELA VIJEĆA

### 1. Stalna radna tijela OV

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela – komisije:

1. Komisija za izbor i imenovanje;
2. Statutarno – pravna komisija;
3. Komisiju za monitoring nad realizacijom Strategije razvoja Općine Tešanj;
4. Komisiju za budžet;
5. Komisiju za praćenje primjene kodeksa ponašanja vijećnika i javnosti rada Vijeća;
6. Komisiju za pitanja mladih i ravnopravnost polova i
7. Komisiju za zaštitu čovjekove okoline;

U izvještajnom periodu održano je 24 sastanaka stalnih radnih tijela, s tim da Komisija za monitoring nad realizacijom Strategije razvoja općine Tešanj i Statutarno-pravna komisija nisu održale niti jedan sastanak. Moramo ponovo napomenuti da je u izvještajnom periodu proglašeno stanje pandemije i da je radnim tijelima sugerisano da umanje okupljanja zbog opasnosti širenja virusa i poštivanja donesenih mjera Kriznog štaba.

R.br.	RADNA TIJELA	Broj sastanaka od 1.1.-31.12.2020.
1.	Komisija za pitanja mladih i ravnopravnost polova	6 sastanaka
2.	Komisija za izbor i imenovanje	4 sastanka
3.	Komisija za praćenje primjene kodeksa ponašanja vijećnika i javnost rada vijeća	10 sastanaka
4.	Komisija za zaštitu čovjekove okoline	3 sastanka
5.	Komisija za budžet	1
6.	Komisija za monitoring nad realizacijom Strategije razvoja općine Tešanj	-
7.	Statutarno-pravna komisija	-

### Komisija za izbor i imenovanje

U izvještajnom periodu Komisija je:

- Razmatrala inicijativu Kluba vijećnika Stranke demokratske akcije Tešanj za smjenu Zamjenika predsjedavajućeg vijeća, te nakon toga, Općinskom vijeću uputila prijedlog Rješenja o razrješenju koje je Vijeće na 35.sjednici usvojilo.
- Općinskom vijeću uputila prijedlog Rješenja o razrješenju i imenovanju članova Komisije za monitoring nad realizacijom Strategije razvoja općine Tešanj kojim se Brkić Ajša i Hadžalić Muhamed (na lični zahtjev) razrješavaju dužnosti člana Komisije za monitoring nad realizacijom Strategije razvoja općine Tešanj, a za nove članove imenuju Brka Mujo i Pobrić Ehlimana. (Usvojen na 36.sjednici).
- Razmatrala inicijativu vijećnika Piro Amira, Hnjić Murisa, Solo Fahira, Mahmutović Edina i Jupić Mirana za smjenu aktuelnog predsjedavajućeg Općinskog vijeća Tešanj, i mišljenje uputilo

Općinskom vijeću. O dostavljenom mišljenju Komisije i inicijativi vijećnika na sjednici Vijeće nije bilo diskusije niti izjašnjenja.

- Na osnovu Zaključka koji je usvojen na prijedlog predsjednika Komisije za izbor i imenovanje a radi uočenih nedostataka u toku provođenja procedure izbora i imenovanja radnih tijela, Komisija za izbor i imenovanje je Vijeću uputila prijedlog Odluke za izmjenu i dopunu Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj, koji je usvojen na 36.sjednici.
- Dana 23.12.2020.godine svim političkim organizacijama koje participiraju u novom sazivu Vijeća (2020-2024.), dostavljen je dopis za dostavu prijedloga za izbor i imenovanje predsjedavajućeg i zamjenika predsjedavajućeg Vijeća. Rok za dostavu prijedloga je bio ponedjeljak 28.12.2020.godine do 10:00 sati.

Komisije za izbor i imenovanje je nakon uvida u pristigle prijave utvrdila:

Blagovremeno pristigli prijedlozi putem pisarnice općine:

- OO SDP Tešanj je za predsjedavajućeg Vijeća predložila Kršić Bobana,
  - OO SDA Tešanj je za predsjedavajućeg OV predložila Kurtić Amira,
  - OO LDS Nezavisni blok je za zamjenika predložila Begović Rifeta.
- Neblagovremeno putem e-mail adrese tehničkog sekretara Vijeća pristigao je prijedlog od OO SBB Tešanj i OO ASDA Tešanj, sa prijedlogom
- za predsjedavajućeg Vijeća Kršić Boban
  - za zamjenika predsjedavajućeg Vijeća Piro Amir.

Komisija je donijela sljedeći Zaključak:

1. Komisija za Izbor i imenovanje Općinskom vijeću predlaže da provede postupak izbora i imenovanja predsjedavajućeg Općinskog vijeća za kandidate: Kršić Boban i Kurtić Amir.
2. Postupak izbora zamjenika predsjedavajućeg prolongirati za naredni period, zbog ne ispunjavanja uslova određenih članom 21. Statuta općine Tešanj

### **Komisija za pitanja mladih i ravnopravnost polova**

- Članovi Komisije su i članovi radnog Tima za izradu Gender akcionog plana za općinu Tešanj.
- Studiozno su proučili Vodič za primjenu Evropske povelje o ravnopravnosti spolova na lokalnom nivou koji im je dostavljen od strane projektnog tima “Žene na izborima u BIH”, koji će im pomoći u izradi lokalnog Gender akcionog plana.
- Jedan od zaključaka Komisije nakon učešća u radu i organizaciji panel diskusije glasi: „Potrebno je više događaja koji stavljaju u fokus žensko poduzetništvo i koji će ohrabriti žene da pokrenu svoj biznis. Panel diskusija “Ja sam primjer da možemo” je naišla na dobre reakcije učesnika i gostiju i vjerujemo da je ovo samo jednu u nizu aktivnosti koje ćemo provoditi u okviru projekta “Žene na izborima u BIH”.
- Usvojen je i zaključak da se organizuju posjete svim udruženjima žena na području općine, kako bi se upoznali sa aktivnostima, potrebama i aktuelnim problemima žena na području općine, koji zbog stanja izazvanog pandemijom nije realizovan.
- Komisija je provela analizu Izvještaja o realizaciji Strategije Općine Tešanj 2018-2022 i donijela sljedeće zaključke:

Nijedan projekat (aktivnost) nije direktno povezana sa poboljšanjem statusa žena, niti se tiče unaprijeđenja ravnopravnosti polova. S obzirom da je u toku izrada Gender akcionog plana za Općinu Tešanj, predlažemo da se održi sastanak s menadžmentom Strategije Općine Tešanj sa predstavnicima radne grupe, kako bi se uskladile buduće aktivnosti.

Istaknut je problem nedostatka vrtića u ruralnim područjima, zbog čega su porodice prisiljene da se iseljavaju sa sela.

Što se tiče projekata vezanih za mlade, komisija je konstatovala da je stanje zadovoljavajuće, osim projekata koji su u zastoju.



## **Komisija za praćenje primjene kodeksa ponašanja vijećnika i javnost rada Vijeća**

- U izvještajnom periodu predsjednik Komisije Subašić Esmir i član Karagić Senaide su podnijeli ostavke. Komisija je na svojoj sjednici održanoj 28.02.2020.godine usvojila Zaključak koji glasi: „Komisija za praćenje primjene kodeksa ponašanja vijećnika i javnost rada Vijeća, će nastaviti rad sa preostala tri člana (zamjenik predsjednika Komisije Bašić Nermina, Ahmić Seida i Čamdžić Elvir) uz dopunu članstva nakon provođenja procedure izbora i imenovanja. Sjednicama Komisije će predsjedavati zamjenik predsjednika Nermina Bašić, a nakon popune članstva biraće se predsjednik Komisije.“
- Komisija je nakon razmatranja pristigle prijave od Angeloni Claudia iz Italije, o kršenju Kodeksa ponašanja vijećnika Deljić Nermina, jednoglasno usaglasila stav, i Općinskom vijeću dostavila Mišljenje koje je zajedno sa prijavom i dokaznim materijalom u prilogu polugodišnjeg izvještaja, o kojem Općinsko vijeće nije komentarisalo.
- Nije izvršena dopuna članstva i Komisija je od 28.02.2020.godine radila u sastavu od tri člana.
- Za protekli period u svom radu Komisija je objektivno razmatrala sve pristigle predstavke i prijave građana i upućivala svoj stav sukladno Statutu i Poslovniku o radu Općinskog vijeća Tešanj i Poslovniku o radu Komisije.
- Komisija je bila aktivna bez obzira na otežane uslove rada za vrijeme pandemije corona virusa COVID19, pri čemu je pokazala odgovornost i ozbiljnost u radu i tako doprinijela smirivanju tenzija u napetim okolnostima.

## **Komisija za budžet**

Komisija je dana 29.09.2020. godine održala sjednicu na kojoj je analizirala Nacrt budžeta za 2021.godinu i Prijedlog izmjena i dopuna Budžeta Općine Tešanj za 2020. godinu navedene dokumente i konstatovala slijedeće:

Po pitanju Nacrta budžeta za 2021. godinu, Komisija je istakla da je isti pripremljen provođenjem aktivnosti koje su planirane u okviru Budžetskog kalendara, ali je dio aktivnosti ubrzan. Razlog za to je nemogućnost održavanja sjednica Općinskog vijeća u novembru tekuće godine zbog pomjeranja provođenja općinskih izbora. Na ovaj način se omogućava poštivanje zakonskih rokova uz provođenje javne rasprave i sagledavanje Nacrta od strane trenutnog saziva Vijeća, kao i pravovremena izrada i razmatranje prijedloga budžeta za narednu godinu od strane novog saziva.

Po pitanju Prijedloga izmjena i dopuna Budžeta Općine Tešanj za 2020. godinu Komisija je konstatovala da su im dodatno prezentovani i pojašnjeni osnovni razlozi za izradu ovog dokumenta rebalansa. Sagledavanjem istih Komisija je utvrdila da postoji stvarna potreba za izradu rebalansa. Razlozi izrade su podijeljeni u dvije grupe. Prvu grupu čini obezbjeđenje dodatnih prihoda-grant sredstava koja u značajnoj mjeri uvećavaju Budžet, tako da se ista moraju panirati i na strani rashoda. Drugu grupu čini potreba prilagodavanja pojedinačnih stavki izvornih prihoda općinskog Budžeta stvarnom potencijalu nastalom nakon proglašenja prestanka stanja prirodne nesreće. Dio prihoda, kao što je PVD se koriguje na niže, a dio prihoda na više.

Komisija nije imala primjedbi na Nacrt budžeta za 2021. godinu i Prijedlog izmjena i dopuna Budžeta za 2020. godinu, i predložila je da se isti upute Općinskom vijeću na razmatranje i usvajanje.

## **2. Povremena radna tijela OV**

U skladu sa Zaključkom Općinsko vijeće Tešanj koji je usvojen na 25. redovnoj sjednici održanoj dana 31.01.2019.godine u nastavku je izvještaj o radu povremenih radnih tijela:

## **Općinska izborna komisija Tešanj**

S obzirom da je 2020. Izborna godina i da je Općinska izborna komisija u izvještajnom periodu imala aktivnosti na pripremama i realizacija svih aktivnosti na provođenju Lokalnih izbora 2020. godine u prilogu se dostavlja kompletan Izvještaj o radu Komisije, koji je sastavni dio ovog Izvještaja o radu Vijeća

### **Komisija za procjenu vrijednosti nekretnina u prometu.**

Na osnovu člana 10. stav 2. Zakona o porezu na promet nekretnina („Službene novine Zeničko-dobojskog kantona“ broj 6/09) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj je na svojoj 12. sjednici, održanoj dana 31.10.2017. godine, Rješenjem imenovalo dvije Komisije za procjenu vrijednosti nekretnina u prometu na period od dvije godine

Zadatak komisije je da vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09).

Način rada Komisije i kriteriji na osnovu kojih se vrši utvrđivanje tržišnih vrijednosti nekretnina na području općine Tešanj definisan je Pravilnikom koji je donio Općinski načelnik dana 16.12.2009.godine („Službeni glasnik općine Tešanj“, broj: 10/09) na osnovu čl. 10. i 35. Zakona o porezu na promet nekretnina, čl. 16. i 15. Zakona o porezu na imovinu, nasljeđe i poklon i čl. 30. Statuta općine Tešanj

Uvidom u službenu evidenciju koju evidentira kooridinator koji vrši organizaciju rada Komisije, utvrđeno je da je imenovana Komisija u izvještajnom periodu od 01.01.2020.godine do 31.12.2020.godine, izvršila procjenu za 447 predmeta (ugovori, rješenja, odluke), od čega je izvršena procjena za 814 parcela i procjena za 129 objekata.

### **Drugostepena komisija za rješavanje po žalbama protiv prvostepenih rješenja općinskih organa uprave**

Općinsko vijeće općine Tešanj je Rješenjem broj: 01-49-2-1523-2/19 od 01.08.2019.godine („Sl.glasnik općine Tešanj“, broj:7/19), imenovalo je drugostepenu Komisiju za rješavanje po žalbama protiv prvostepenih rješenja općinskih organa uprave u sastavu: Nerminka Handžić, predsjednik, Edina Begić, zamjenik predsjednika i članovi: Brkić Ajša, Čeman Elma i Haris Sejmenović.

Zadatak Komisije je rješavanje po žalbama izjavljenim protiv rješenja i drugih akata općinskih organa uprave Općine Tešanj, a koji su rješavani na osnovu Statuta ili drugih propisa Općinskog vijeća i Općinskog načelnika u prvostepenom upravnom postupku.

Drugostepena Komisija za rješavanje po žalbama protiv prvostepenih rješenja općinskih organa uprave je u periodu od 01.01.2020.godine do 31.12.2020.godine odlučivala o 11 žalbi na rješenja općinskih organa uprave.

**Komisija za provođenje javnog nadmetanja-licitacije u postupku prometa općinskim zemljištem** u izvještajnom periodu je imala 1 sastanak, i 2 oglasa o postupaku provođenja javnog nadmetanja.

## ZADOVOLJSTVO KORISNIKA USLUGA

Analiza zadovoljstva korisnika usluga u 2020. godini urađena je na osnovu Uputstva i usvojene metodologije iz 2018.godine. U istraživanju je korišten slučajni uzorak 250 ispitanika koji su koristili usluge u Općini Tešanj, uključujući urede Jelah i Tešanjka.

Prikupljanje podataka izvršeno je u periodu od 8.12. do 28.12.2020. godine  
Pitanja su ocijenjena od 1 do 5, a na pojedina je odgovoreno sa DA ili NE

Od 250 ispitanika M - 141 Ž – 109

Zaposleno - 150 Nezaposleno (uključujući penzinere, studente) (100)

Urbano - 79 Ruralno -171

### PROSJEČNO ZADOVOLJSTVO KORISNIKA


Prosječna ocjena izračunata u odnosu na idealnu ocjenu 5, a kod odgovora DA ili NE izračunat je procenat odgovora DA u odnosu na ukupan broj odgovora

Prosječno zadovoljstvo građana 2018 godine je bilo 58% 2019.godine 54% a 2020.godine 60% što znači da je prosječno zadovoljstvo građana 2020.godine povećano za 6% u odnosu na 2019.godinu.

Nakon provedene analize anketiranja građana utvrđeno je da je u 2020.godini ostvareno značajnije povećanje zadovoljstvo prijenosom sjednica OV, dostupnosti materijala OV i odgovora na pitanje da li vam je poznato ko su vijećnici u OV.


Ovi podaci su ujedno i pokazatelji da je realizovan zaključak usvojen u sklopu Izvještaja o radu Općinskog vijeća za 2019.godinu, koji glasi: Realizovati mjere unapređenja zadovoljstva korisnika usluga u 2020.godini: 1. Dodatno promovirati dostupnost materijala Općinskog vijeća i termin emitovanja sjednica.

2. Povećati komunikaciju sa građanima.



Iako je nakon provedene analize anketiranja građana, utvrđeno povećanje zadovoljstva građana radom Općinskog vijeća za 1,2% , da Vijeće donosi odluke u interesu građana za 1% , i da je poznat termin za redovne sastanke vijećnika sa građanima za 3,80%, trebalo bi u narednom periodu poduzeti mjere i aktivnosti kako bi se i u ovom dijelu ostvarilo povećanje zadovoljstva građana

Na pitanja koji segment rada treba unaprijediti, građani su odgovorili zaokruživanjem jednog ili više ponuđenih odgovora, tako da je komunikaciju sa građanima odabralo 84 lica (u 2019. godini - 105), kvalitet donesenih odluka je odabralo 90 lica (u 2019. godini - 126) , transparentnost je odabralo 78 lica (u 2019. godini - 106).



## ZAKLJUČCI


- a. Kada se ima u vidu ukupna realizacija planskih i vanrednih aktivnosti može se konstatovati da je Općinsko vijeće u periodu 01.01. – 31.12.2020. godine uspješno realizovalo svoju ulogu, iako je u izvještajnom periodu bilo odgađanje Lokalnih izbora i proglašeno je stanje prirodne nesreće na teritoriji Bosne i Hercegovine zbog opasnosti od moguće pojave epidemije zarazne bolesti prouzrokovane novim korona virusom (COVID-19).
- b. Većina odluka je usvojena jednoglasno.
- c. Aktivnost Vijeća se ogleda i kroz podnesenih 52 akta (amandmani, vijećnička pitanja i inicijative) i usvojenih 101 akt koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana i objavljuvana na web stranici Općine u materijalima za svaku sjednicu.

- d. Realizovati mjere unapređenja zadovoljstva korisnika usluga u 2021. godini:
- Unaprijediti komunikaciju sa građanima,
  - promovisati aplikaciju eCitizen i „Građanski sat sa vijećnicima“,
  - Nastaviti aktivno primjenjivati interne akte koji propisuju davanje prednosti manje zastupljenom polu, pripadnicima nevladinog sektora i pripadnicima marginaliziranih grupa, kod jednako kvalificiranih kandidatima kod odabira spoljnih članova radnih tijela Vijeća,
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

Prilog: Izvještaj o radu Općinska izborna komisija



**PREDSJEDAVAJUĆI VIJEĆA**

  
Amir Kurtić, dip.ing.elteh.